

3/834
2

კიტა აბაშიძე.

25

თავადი

პრაპი ღვინეთელი

(სალიორიკო პოეზია)



ქუთაისი


ლუწიფრომშეჭდავი ი. კილაძის.

1908



၁၄.

ပြန်လည်မျက်နှာ

၅၃၄



၀၉. ပြန်လည်မျက်နှာ



၁၀၃၇

~~~~~  
Печатать разрешено.  
~~~~~

თ. აკაპი ჭერეთელი.

ქართულ რეალურ ლიტოზმის საუკეთესო წარმომადგენელი ო. აკაკი წერეთელია, რომლის სალიტოკო ლექსებზედ გვექნება ამ წიგნაკში ბაასი.

თუ გნებავთ გაიგოთ, რა განსხვავება არის რომანტიკულისა და რეალურის ლიტოზმის შორის, აიღეთ ბარათაშვილის ლექსები და შეადარეთ აკაკი წერეთლის ლექსებს. ბარათაშვილი ისეთ გრძნობა-თა შესახებ ლაპარაკობს, „რომელთა გამოთქმა მოკვდავთ ენითა არ ძალუბს“, ისეთი გრძნობებით არის გამსჭვალული, „რომელთა სახელი კაცთა ვერ დასდგან“; მისი ფიქრები „ლაუგარდის ცისაკენ მიის-წრაფვიან და მის იქით ეძიებენ სადგურს, მაგრამ იქამდის ვერ მიაღწევენ და ჰაერშივე განიბნევიან“. ბარათაშვილს „გულ დახურულთა მეგობარი“ ბუნება უყვარს და „სწამს, რომ არს ენა რამ საიდუმლო უასაკოთაც და უსულო შორის“ და ამიტომაც გან-მარტოებულს ფრიალო კლდეზედ მდგარის ალვის ხის ფოთლების შრიალთა სმენა იცის და „მრავალ დროის მოწამე, უტყვის მტკერის ბუტბუტს მიაშუ-რებს სევდიანი, ფიქრთ გასართველად“. ბარათა-შვილი სულით მარტოობას დასტირის, უმალლესის

სასოწარკვეთილებით აღსავსე, პირად, ინდივიდუალურ, განსაკუთრებულ, არა ჩვეულებრივ გრძნობათა გვისახავს საოცარის ნიჭით, ერთის სიტყვით, ბარათაშვილს პოეტი ზექაცად, არა ჩვეულებრივ ადამიანად მიაჩინა, პოეზია კი ღვთის „ტაძრად, შესაფარად, უდაბნოდ მდგარად, სად ენთო მარად უქრობელი წმინდა ლამპარი, ანგელოსთაგან იკვროდა სად დაეთის ქნარი და განისმოდა ციურთ დასთა გალობის ზარი“.

თ. აკაკი წერეთელი პოეტია და პოეზიას სულ სხვა, გვარად უცქერის. პოეტი ის ფუტკარია (ეს ეპიტეტი ძლიერ უყვარს თ. აკაკი წერეთელს და ხშირადაც ხმარობს), დიალ, პოეტი „ფუტკარია, ხატის ბუზი, ზეცის მუშა, შორს მიფრინავს, სამუშაოდ, მიიმღერის უხარია! ყვავილიდან ყვავილებზე გადაბზუის, გადმობზუის. აქაც წუწნის, იქაც წოწნის. სათაფლ-სანთლო მასალასა, არ იზოგავს, ღვთის მოცემულს, არც ნიჭია და არც ძალასა“. პოეტი თ. აკაკი წერეთლისა „არც დიდია, არც პატარა, არც ბატონი და არც მონა, არც მიწის არის, არც ცისა, შუა კაცია უბრალო, ხან მიწის არის ხან ცისა“ თ. აკაკი პირად განსაკუთრებულ გრძნობათა გამოსახვას გვერდს უხვევს და მარტო საერთო საზოგადო კირ-ვარამზედ ლაპარაკობს. თვით უდიდესი და უძლიერესი ინდივიდუალური გრძნობა სიყვარულისა თ. აკაკი წერეთლის პოეზიაში ჩაღაუ საოცანებო არაჩვეულებრივ გაძაეროვნებული არსებისადმი არის მიმართული და ამ-

გვარად ეს გრძნობა სიმბოლიურ სახეს ღებულობს.
„მისი სატრფო უწინ ტურფა, დღეს კი ლეჩაქ-მოხ-
დილი“ — ეს ხომ მისი სამშობლოა. ამგვარად თ.
აკაკი წერეთელი გამომხატველია საზოგადო, საერთ
გრძნობათა, საერთო ჭირ-ვარაშისა და სევდისა. მისი
ტანჯვა ხალხის უმეტესობის ტანჯვაა. მისი სევდა
და მწუხარება ერის კვნესა და გოდებაა, მისი სა-
სოქბა და იმდები ერის ლტოლვილებაა და. ერის
სურვილებია.

ბუნება იმდენად იტაცებს, რამდენადაც საერ-
თო მისწრავებათა გამომსახველია, **სიცოცხლე** და
სიკვდილი იმისდა მიხედვით ეინტერესება, თუ რა
დამოკიდებულება აქვს მის სათაყვანო საგანთან. ამ
მხრით თ. აკაკი წერეთლის მწერლობა მეტად ერთ-
გვარია. მთელის მისის ლექსების საგალობელი 1ა-
განი ერთი და იგივეა, ერთსა და იმავე ჰანგზედა
მღერის, მაგრამ აქვე უნდა ვსთავათ, რომ ეს სრუ-
ლიადაც არ ამცირებს პოეტის ნაწერების არც ლირ-
სებასა და არც მნიშვნელობას. ისტორიულად და
ფიქციონურად სრულიად ბუნებრივია და გისახ-
ვედრი, რომ ჩვენს მგოსანს მარტო ერთი ფიქრი
და აზრი უტრიალებდეს თავში. ეს მწერლის მო-
ქალაქობრივ სიკეთესაც ამტკიცებს, ხოლო ესტე-
ტიურად, ჩემის აზრით, პოეტის ხელოვნება გით
უფრო მაღლად არის დასაყენებელი, რამდენადაც
ერთსა და იმავე საგანს ლრმად და ყოვლის მხრი
დაგვისურათებს.

ყოველივე საგანი, ყოველივე მოელენა ცხოვ-
რებაში იმდენზედ რთულია და მრავალმხრივი,
რომ ერთის კაცის ხელოვნება ვერც კი შესძლებს
საგნის სილრმე-სიგანით გამოსახვასა და აწერას,
ამიტომაც, როცა ნიკიერი პოეტი ერთსა და იმავე
მოელენას რამდენჯერმე შეეხება, რამდენჯერმე
აიღებს თავისი გალობის საგნად, მით უფრო დაამ-
ტკიცებს ხელოვნების შეგნებასა და უნარს, თუ
ყოველთვის სულ სხვადასხვა პანგეზედ მომართავს
თავისს ჩანგს და საგნის სხვადასხვა მხარეს დაგვა-
ნახვებს.

ამით არც ის მინდა ვსთქვა, რომ თ. აკაკი
წერეთლის პოეზიას საგნის მრავალგვარობა აკლ-
დეს, ანა და მთლად მთელი მისი მწერლობა ერთს
საგანს ეხებოდეს. არა, თუ გნებავთ პატარა ლექ-
სები, რიცხვით მეტი, სხვადასხვა საგანს ეხება და
არა ერთსა და იმავეს. მაგრამ საუკეთესო ნაწილს
თ. აკაკის პოეზიისას და ამ საუკეთესო ნაწილის
უმეტესობას საგნად ერთი და იგივე აზრი და ფიქ-
რი აქვს, რომელიც მთელის მოაზრე და გონიერის
საქართველოის მთავარი აზრი და ფიქრია.

I

როგორც ალექსანდრე ჭავჭავაძე უნდა ჩაითვა-
ლოს სიყვარულის მგალობელ პოეტად, რომელსაც
ეს სანეტარო და სიცოცხლის მიმნიჭებელი გრძნობა
მოშხამული და მოწამლული ჰქონდა საერთო კენე-

სისა და გმინვის გამო, ისე თ. აკაკი წერეთელიც
იმ „სატრფოს“ მგოსნად უნდა დაისახოს, რომელ-
საც საერთო არა აქვს რა ხორციელ სატრფოსთან,
მაგრამ რომელიც პოეტის საოცარმა ნიჭმა განა-
ხორციელა, სული ჩაუდგა, ნამდვილ „ცხრა-კლი-
ტულში დამწყვდეულ ნესტან-დარეჯნად“ გაიხადა
და მისი ტარიელობა თავს იდვა და დღემდის დაუ-
ლალავად ისეთივე სიცოცხლით, ისეთივე გატა-
ცებით თავს ევლება ამ „სატრფოს“.

„მაგრამ იცით მისი სატრფო ვინ არი?

„ძველი ტურფა, დღეს მკვდარივით მძინარი,

„ფეხ-შიშველი, თავზედ ლეჩაქ ახდილი“.

სიჭაბუკიდან პოეტი იმაზედ კვნესასა და ოხვ-
რაშია; სტირს უბადრუკი და წარსულს დროებას
ოცნებით ეძებს.

„მთა კლდეს შექმბლავის, ჩასძახის ქვესკნელს,

„წყალსა მიჰყვირის მსწრაფლ მიმავალსა,

„მაგრამ ვერ პოვებს ნუგეშის-მცემელს

„და უმრავლდება წყლული საწყალსა“.

რა ნუგეში უნდა ნახოს ან კი ბუნებაში, რო-
ცა ყოველივეს ბუნებაში და თვით ბუნებას მისთ-
ვის ერთი აზრი აქვს და ერთის აზრის საზომავით
სკვრეტს პოეტი ყოველივეს.

„მთანი და კლდენი სისხლს უჩვენებენ,

„ქვესკნელი საფლავს და ძვლებს გამხმართა,

„რომელნიც ანდერძს მოგვაგონებენ

„მსხვერპლად შეწირულთ ჩვენთ წინაპართა“.

სიკაბუკიდან იმ დრომდის, ვიდრე პოეტს „გული წყლული შეექმნა, სული კრული, სახე მჭერარი თმა კალარა“, არ არის ისეთი შემთხვევა, არ არის ისეთი გარემოება, რომ თავის საყვარელი სამშობლო არ აგონძებოდეს. პოეტს „თავი ტარიელ ჰგონია, ოცნებით გარემოცულსა, უხმობს ფრიდონს და ავთანდილს“, რათა, „მხარი მხარს მისურნ, ხელი ხელს, ნესტან დარეჯან ქაჯებს ჰყავს, მოელის ტურფა გამომხსნელს“.

თვით ბუნებაც-კი განხორციელებული თანამეტობი მეგობარია მეოსნისა, მისი თანამოაზრებუნების მშვენიერება მისთვის მოწამლულა, რაკი გვილი სევდითა აქვს მობურვილი. მისთვის ციხე ცოცხალი არსებაა, თავისებური პოეტი, რომელსაც აგონძებოდნენ ტკბილნი დრონი, თვისის პატივის და დიდებისა, ოდეს გმირთ გმირი მისი პატრონი, ჩხეუბების შემდეგ გამარჯვებული პირდაპირ იმას მოაშურებდა“. დღეს კი ეს ამაყი ციხე „ტკბილი დროს მგოსანი, იყო ტანჯვაში და შეკმუხვნილი, ამაყი სახე მას ჩაეხატა მდინარე წყალში“.

ზემოდაც მოვიხსენიეთ, პოეტს „მთანი და კლდენი სისხლს უჩვერებენ, ქვესკნელი საფლავს და ძვლებს გამხმართა“.

მუსიკის საკრავები მისთვის იმავე დაუინებულის აზრისა და ფიქრის აღმძერელია. როცა მწყემსის სალამური ესმის, რომელიც „გაჰკივის მთა და ველში, ტკბილსა ხმასა ცაში ჰყარგავს და სევდისას შავს ქვესკნელში“, მაშინ პოეტის ფიქრი მის

ხმას „გარს ეხვევა, ვითა ძმა ძმას და მისი კვნესა აგონებს საქართველოს მწარე მოთქმას, ხან თათ-რები აკენესებენ, ხან თურქები აოხრებენ, ხან სკვითები დროს შერჩევით, მყუდროებას უშფო-თებენ“.

მეზურნის შიქასტას სულ-მოწხამული მგოსანის გული ძევრით თანაუგრძნობს, „ვით სნეულსა მი-სივე მსგავსი სნეული“ და მუდარებით მიჰმართავს:

„ახ, მეზურნევ დაჲკა, დაჲკა!

„გამაგონე ეგ სევდის ხმა!

„მაგარია ჩემთა ძველთა

„მამაური ახვრა-მოთქმა,

„გამიხურე ჰაგნით გული,

„ეგებ დასდნეს მწუხარება,

„და ჩემთ თვალთა გაღმოსთხოონ

„ნალვლიანი მდუღარება“.

მაგრამ იმას კი

„ნურეინ ცდილობს იმ ცრემლებში.

„ნახოს კერძო სიყვარული,

„იქ იქნება საიდუმლო

„გულ გამხეთქი, დაფარული“!.

თარიც უყვარს ჩვენ მგოსანს, ვითა სიმბოლო საეროვნო მუსიკისა, თარი „გულ საკლავად მკვნე-სარი, მწუხარების უკუმყრელი რომ არი, სიმები რომ დაიწყებენ ულერასა, სული შფოთვას გული შეიქმნა ძევრასა. ყურსა უგდებს უცნაურსა ციურს ხმას, იორკეცებს აღტაცებით გულისთქმას და შორს მიჰყავს მომხიბლავსა აცნებას“.... ეს აცნება

იმდენზედ დღია, რომ იმასაც კი ჰქედავს, ვითომ „არვის ჰმონებს შემქობილი ეს მხარე“.

მისთვის სულ ერთია, სად, რა დროსა და გარემოებაში ესმის მუსიკა, ყველგან და ყოველთვის მუსიკა ერთ ფიქრს აუშლის ხოლმე, ერთს რასმე აგონებს, თითქოს ყოველთვის და ყოველგან მუსიკას, ამ თავის-თავად უპირადო და უგრძნობელ რასმე, მარტო ჩვენი მგოსანი ჰქონდეს სახეში და მისი სამშობლო მხარე: „სიმნი მკენესარნი სამარის ხმითა ზედ დასტირიან რაღაც საგანსა და უცნაურის თანაგრძნობითა ეს ჩემი გულიც ეტყვის მათ ბანსა“, ამბობს პოეტი ერთ ლექსში, რომელიც რუსეთში უნდა იყოს დაწერილი, და განაგრძობს: „ლმერთო რა მიყვარს ეს მწარე მოთქმა, ვეტრფიალები ამ ჩემსა ჩანგსა, მხოლოდ ამისი ეს მაცდური ხმა გულს გადამფერავს მოდებულს უანგსა. ეს არის ჩემი თანამგრძნობელი, ეს ისმენს მხოლოდ ჩემს აღსარებას, მეალერსება ვითა მშობელი და ცრემლით აღნობს ჩემს მწუხარებას. აი ეხლაცა ჩემი გონება, სიმთ გააცოცხლეს, აამლელვარეს, მომცეს წარსულთა დროთ მოგონება და გარდმიტანეს სამშობლო მხარეს“.

ძლიერ აღვილი გასაგებიც არის ის, რომ მგოსანი ხშირათ გვიხატავს მუსიკის გავლენას მის განწყობილებაზედ. მუსიკა თავადაც რომ არ იყოს ერთი უწარჩინებულესი შტო იმ დარგისა, რომელსაც ხელოვნებას ეძახიან და ღვიძლი ძმაც არ იყოს პოეზიისა, თ. აკაკი წერეთელს მუსიკის გამომსახვე-

ლი იარაღი, ჩანგი და სალამური, პოეზიის სიმბოლოდა აქვს მიღებული და მათის შემწეობით გვამცნებს დიდ მნიშვნელობასა და ძალას პოეზიისას. თემურ ლენგის ტყვე, „გულ დალალული, დამწვარი-იმედია და ხსნა! ქვეყნისას არც თვალ-მარგალიტში ჰქედავს, არც ცრემლებში, რადგანაც „დამკუნარი ვარდი ცრემლებით არ განელდება, არაო, მარტო ცრემლები ქვეყნისთვის საშველად არა კმარალ“ არც ხანჯალში, რადგან იმის გამარჯვების იმედი არა აქვს. ხნის იმედი მას იმ „წმინდა და ლიდ საუნჯეში“ ჰეონია, რომელიც წარსულისა და მომავლის სიცოცხლის გზა და ხიდათ მიაჩნია—ჩანგურში, იგი, მისის აზრით, „ქვეყნის ჭირი და ლხინია, სამშობლოს სისხლი და ხორცი მისივე ნალველ ტვინია“. ეს ჩანგური მგოსანს გულზე დაუკიდია და ვერ გაეყრება, გინდ მოკლოს ტყვეობით კიდით კიდეო, „მისი სამშობლოს სიცილი და მისი მწარე კვნესაო ორივე ერთად სიმებმა შიგ გულში ჩაიკვნესაო. მგოსანი სიმებს ჩამოჰკრავს, ხმას ცასა აწვდენს ჰანგებით და ის ხმა ტყვედ ქმნილს ბაგრატისაც მოესმა ლეთისა განგებით, მოესმა: „ბაგრატ გახსოვდეს შენი სამშობლო ტკბილიო, ვინც სულს არ სწირავს სამშობლოს, არ ეთქმის ქვეყნის შვილიო.“ ეს ჩანგური ტყვედ ქმნილის მგოსნისა სავსებითი სიმბოლოა თ. აკაკი წერეთლის პოეზიისა. მიტომაც არის ასე უყვარს ჩანგური, რომელსაც მეგობრულის კილოთი ემუსაიფება: „ჩანგურო! ჩემო ჩარგურო! ოცნების ზღვაში მცურავო, შენი კრინ-

მანაქი წერიალი ხელახლად მომეწყურაო, ჯორა
ზაქვა ია-ვარდისა, სიმი—ბულბულის ენაო, ფრთები
არწივის გასხია, შეგფერის აღმა ფრენაო: მიმაფრენ,
მეც თან დაგვევარ, წამის-წამ კიდის-კიდესო! ვე-
ლარ მერევა სიკვდილი მე შენსა გადამკიდესო, დი-
დება შენსა მოვლენას, ციურო ტკბილო ძალაო!
დააღნა გული შენს სიმებს და სული დაიცალაო“.

კეშმარიტად სადიდებელია პოეტისათვის მისი
ჩანგური, მისი პოეტური ძლიერი ნიჭი, რომელმაც
მართლაც რომ უკვდავი გაჰხადა იგი ჩვენის ერისა...
თვის, მართლაც რომ მის გადამკიდეა, სიკვდილი
მას ვერ ერევა და ვერც მოეჩევა, ვიდრე ქართული
ენა არსებობს.

II

პოეტს რეალისტს, თ. აკაკი წერეთელს, პოეტ-
ზედ სრულებით სხვა გვარი შეხედულება აქვს. მის
თვის გაუგებარია პოეტის „ლმერთებთან ლაპარაკი“.
იგი სრულებით წინააღმდეგია იმ აზრის, რომ პოეტი
„ცა ნიშნავდეს და ხალხი ზრდიდეს, მიწიერი ზე-
ციერსა“, როგორც ამბობს მეორე ჩვენი დილი
პოეტი. თ. აკაკის პოეტი „არც დიდია, არც პა-
ტარა, არც ბატონი და არც მონა, გულს ესობა
ხან ისარი, ხან სუნნელი ვარდის კონა, უგუნურია,
ხან ბრძენი, ხან არც ის არის, არც ი'ა, ვარემო-
ების საყვირი, არც მიწის არის, არც ცისა, მის გული
სარკედ ქეცეული ბუნების ნათავხედია, მხოლოდ

მის სახეს გიჩვენებთ, რასაც შიგ ჩაუხედის, ენაც
მას ამბობს, რაც სმენას სხვისაგან გაუგონია, ან
თვალს უნახავს და კეუჯას გაუზომ-გაუწონია, თქვენ
რომ გვონიათ არ არის, სხვებს რომ ჰვონიათ არც
ისა, **შუა-კაცია უბრალო, ხან მიწისაა, ხან ცისა**“
ამ პოეტს „ურემლში ულესავს ნალველი და მელ-
ნად ის უხმარია, შიგ თაფლი არის ნარევი და ზო-
გან ცხარე ძმარია, ზოგს ეტკბილება, ზოგს არა,
მაგრამ რა მისი ბრალია? ბულბული ვარდს და
ეკალზედ თანასწორ მომღერალია“, საწერლად გუ-
ლი უხმარია, კალმად ენა, „საწვერ-მახეილო ის
არი, ხან სამკურნალო მალამო, ხან სასიკვდილო
ისარი, მისი ქება და დიდება, მისი ლხენა და კირი
ქამანჩაა და სტეირი“.

უკეთესი განმარტება პოეზიისა და პოეტისა
რეალიზმის შეხედულებით ძნელი-ლა წარმოსადგე-
ნია. რეალიზმის განმარტებით პოეტი უბრალო
მომაკვდავია, დროისა და გარემოების წყალობით
„სტეირითა და ქამანჩით“ აღკურვილი, „შუა-კაცია
უბრალო, არც მიწის არის, არც ცისა, და ხან
მიწის არის, ხან ცისა“. ამ მხრით თ. აკაკი წერე-
თელმა ახალ განმარტებასთან ერთად ჩვენ პოეზიას
კვალიც დაამჩნია. ერთ ადგილას თ. აკაკი წერე-
თელი ბრძანებს: საზოგადოდ მე ხელოვნებას დიდ
ყურადღებას არ ვაქცევდიო და ისე მიმაჩნდა მწერ-
ლობა, როგორც ერთი უბრალო იარაღთაგანი
დღიურ ავგარგიანობის საბრძოლვეელ სასამსახუ-
როდაო, თუ რამე ხელოვნური გამომსვლია ხელი-

დან, ეს **ძალაუნებურად** და **შემთხვევით** მომხდარა, თვისრა ის ჩემ დღეში არა მქონია ფიქრათ, რომ მომაულისთვის ვწეროთ. ამ სიტყვებს ძალაუნებურად უნდა დავეთანხმოთ, იმიტომ რომ თ. აკაკი წერეთელი აქ მარტო ჩვეულებრივ კეკლუციობის გარდა ნამდვილი გამოშახველია იმ დროის შეხე-დულებისა ლიტერატურაზედ. თ. აკაკი ხომ სამო-ციან წლების მწერალთ ეკუთვნის. იმ დროის მწერლობა საზოგადოდ იმ აზრისა იყო, რომ ხე-ლოვნება უბრალო იარაღია დღიურის „კირ-ვარამის „საბრძოლისო-ამსახურისო“, როგორც თვით აკაკი ბრძანებს. მწერლობას (სიტყვა კაზმული მწერლობა გვაქვს სახეზი) პუბლიცისტიური მნიშვნელობა ეძ-ლეოდა და ამიტომაც რუსეთში და ჩვენზიაც, რუ-სეთის ზედგავლენის ქვეშე, სიტყვა კაზმული მწერ-ლობა პუბლიცისტიად გარდაიქცა.

ზემორე მოყვანილ ჩვენის მგოსნის სიტყვებში ცხადად გამოსჩანს ის დიდი განსხვავება, რომე-ლიც არსებობს რომანტიულისა და რეალურის ლიტერატურის შორის და ეს განსხვავება არის უფრო ხრისად მიზეზი იმ დაუსრულებელ კამათისა, რომელიც ასტყდება ხოლმე ეგრეთ წოდებულ წმინდა ხვლოვნებისა და უტილიტარულ ხელოვნე-ბის მოსარჩლეთა შორის. რეალური ფილოსოფია და მის გავლენის ქვეშე რეალური ესტეტიკა არა სცნობს არავითარ საუკუნო და აბსოლიუტურ საგ-ნებს. მისთვის არსებობს შეოლოდ განუწყვეტელი ცვლილება მოვლენათა შორის. „დღეს ერთი უნ-

დეს ხვალე სხვას“ რეცეპტზედ შექმნილი, ამიტო-
მაც მისთვის მნიშვნელობა აქვს და აზრი მხოლოდ
„დღიურ ავ-კარგიანობას“.

რომანტიზმი კი იდეალების ფილოსოფიის ზედ-
გავლენის ქვეშ „მოვლენათა შორის“, დაფარულს
კავშირს იძიებდა, წისის აზრით, ყოველივე ცვალე-
ბადი და სწრაფლ მავალი მოვლენა ცხოვრებისა და
ბუნებისა, გამომხატველია რაიმე დიადის შინაარსი-
სა და აზრისა, რომლის მიწდომა და გაგება მხო-
ლოდ ღმერთთან დაახლოვებულ ადამიანთ შეუძ-
ლიათ, მხოლო ზე-კაც ეხერხებათ მოვლენათა
ასეთის ფარულის შინაარსის უზენება და ამიტომაც
პოეზია მათთვის წინასწარმეტყველებაა და პოეტი
წინასწარმეტყველი. მათის აზრით, პოეტის მოვა-
ლეობაა ბრძოს, ხალხს, უბრალო მომაკვდავს „წინ
წარუძლვეს“, ღმერთთან ილაპარაკოს და ამ ლაპა-
რაკის უმდევე ხალხს ამცნოს.

ეს განსხვავება პოეზიის საგანთა შორის ბა-
ლებს მიზეზს ზემოხსენებულ კამათისას წმინდა
ხელოვნების დამცველთა და უტილიტარულ ხე-
ლოვნების მოტრფიალეთა შორის. პირველთათვის
დღიური ავ-კარგიანობა, დღიური კირვარამი პუბ-
ლიცისტიერის საქმეა და არა სიტყვა-კაზმულ ხე-
ლოვნებისა და პოეზიისა, ხოლო მეორეთა უეხე-
ლულებით სწორედ პოეზია უნდა ემსახურებოდეს
ამ „ავ-კარგიანობის“ განმტკიცება-გაუმჯობესებას.

თ. აკაკი წერეთელი უემცდარია, რომა ამბობს,
რომ მომავლისათვის არა ვსწერდიო და თამამად

შეგვიძლია მოვახსენოთ, რომ შესაძლოა დიდ ნაწილს მისის სატირებისა და პუბლიკისტური ლექსებისას და წერილებისას აწ უკვე მნიშვნელობა დაკარგული ჰქონდეს, როგორც თვითვე აღიარებს, მაგრამ მისი სალირიკო პოეზია კი მომავლისთვის არის შექმნილი და მის ლექსებში მხოლოდ მასა აქვს საუკუნო მნიშვნელობა, რომელსაც საუკუნო ლიადი აზრი და ფიქრები აქვს საგნად, ანა და დღიური ავ-კარგი, მაგრამ უკვდავის „ხელოვნებით“ შექმნილი ერთის სიტყვით, მის ნაწერებში ის არის უკვდავი, რომელიც უკვდავ და საუხომ ფორმით არის უმოსილი, ან ის რომელსაც ფორმით საუკუნო სიმშვენიერებს თან ერთად—კაცობრიობის-საუკუნო საფიქრალი— საგნები აქვს აღებული.

პოეზიის საუკუნო და სამარადისო საგალობელ საგანთა შორის კი იქნება ყოველთვის, ყოფილა და არის, კაცთა შორის დამოკიდებულება და ამ დამოკიდებულების უძლიერესი, ფატალური და საიდუმლო კავშირი სიყვარულისა: კაცისა და ბუნების შორის დამოკიდებულება, ესე იგი, კაც-ზედ ბუნების დიად მოვლენათა გავლენა და კაცის სიცოცხლის დასასრული, საიდუმლოებით და საუკუნო სევდით მოცული, სიკვდილი და გახრწნა ჩვენის არსებისა.

სამშობლოს გოდება არ არის საუკუნო და დაუსრულებელი გრძნობა, ვერც სამშობლოს ქება-დიდება და ხოტბის შესხმა წარიტაცებს ყოველთვის მგოსანს. სამშობლოს ტიზილი, სამშობლოს ტრფია-

ლი მხოლოდ მაშინ არის პოეზიის საგანი, როდე-
საც სამშობლო განსაკუდელშია, და ეს რაკი აცი-
ლებული იქმნება, საგანიც პოეზიისა თავის-და-თა-
ვად ჰქრება. აბა მიჩვენეთ რუსის პოეტი, რომელიც
სამშობლოს ეტრფრალებოდეს, ანა — და რუსეთის მონ-
გოლებისაგან დაპყრობას სტიროდეს, ანა და მის
უცხო კლანკებიდან დახსნას ლამოდეს, ან საურან-
გოდის მწერალი მიჩვენეთ, ან იტალიელი დღეინ-
დელი, რომ სამშობლოს გალობა გაეხადოს საგნად
ფავის პოეზიისა. უფრო საყურადღებოა იტალიის
შეგალითი, რომელიც დიდი ხანი არის, რაც
ფავისის პოეტებისა და მწერლების პირით მო-
სთკამდა სამშობლოს ბედ-ილბალს.

~~ა ს არის მხოლოდ ერთი მხარე თ. აკაკი წერეთ-~~
~~ჭავაძე პლეზიაში, რომელიც უკვდავად ჰქმნის მის~~
~~შეატარებულ ლექსებს (ე. ი. მის საუკეთესო სა-~~
~~ლირიკო ლექსებს), ეს ის, რომ მან სიყვარული~~
~~სულიერიდან უსულოზე გადაიტანა, თუმცა ეს უსუ-~~
~~ლოც რაღაც კონკრეტულია და ადვილად გასაგები.~~
~~ის (და მასთან ერთად ილია ჭავჭავაძეც) ამ დიდ~~
~~სულიერს, ამ ერთ დიდ არსებას — თავის საყვარელ~~
~~სამშობლოს, ისეთის ენით ელაპარაკება, თითქო~~
~~ნამდვილი, გულ-წარმტაცი და მომხიბელელი სატრ-~~
~~ფო უსხდეს გვერდით. აბა მიბრძანეთ, რა შეედრება~~
~~მის ტანჯვას, მის სასოწარკვეთილებას, მის სევდას,~~
~~როცა ჰხედავს, რომ მისი სატრუიალო თავ-შეხვე-~~
~~ულ მიჯნურს შეიყვარებს და გულსაც მისთვის~~
~~ააძგერებს.~~

რომელი პოეტის სევდას ჩამოუვარდება, თუ არ აჯობებს, თ. აკაკი წერეთლის სევდა მის „აღმართ აღმართ“-ში?

როცა პოეტი შემცდარსა და მოხიბლულ სატრფოს ემუდარება: „კინკარში ნუ ვარდები, ნუ გგონია მანდ ია და ვარდებიო, შეიბრალე შენი თავი იცოდე, მაგ შარბათში საწამლავს სვამ იცოდეო“, და როცა მისი სატრფო გულ გრილად მიიღებს ყოველსავე რჩევას და ვეღრებას დადაგულის მისის მიჯნურისას, მგოსანი, უდიადესის სევდით მოცული, ტანჯული და თავგანწირული „დაღმართ დაღმართ დაუყვება წამმალით“ და „საუკუნოდ ხელ დაკრეფით განსვენებას“ ლამის მისთვის აქ ამ ქვეყანა. ში, რომელმაც ერთის წუთის წინად ისე ეშმაკურად მოხიბლა, „სიცოცხლე აგრძნობია“, „სული და გული აუდულა“, რომელმაც ერთის წუთის წინად ალიტაცა ისე, რომ კინალამ გულში არ ჩაეკრა მას; ეხლა აქ—ამ ქვეყანად—მისი მიმზიდველი ალარა დარჩენილა რა და მიიჩქარის იქ, „სად ელიან ბარით, ნიჩბით, კუბოთი და ლოდებით“. ჩვენის პოეტისათვის სიყვარული არც საკურკურო რამ არის, არც მტანჯველი, რომელსაც წყევითა და კრულვით იხსენიებენ, ეს სიყვარული მისთვის თვით იდეალია, თვით შინაარსია ცხოვრებისა, „ცისა და ქვეყნის კავშირი და თან შუამავალი.“ უიმისოდ მისი ცხოვრება წმრმოულგენელია. პოეტი გამოდის საგმირო სამოქმედოდ და თავს განიწირავს „ნესტან დარეჯნის“ ქაჯთაგან დასახსნელად იმიტომ-კი

არა, რომ საყვარლისაგან ალექსი მიიღოს და დაფუნის გვირგვინი. არა. მისთვის ამ საყვარელ არ-სების გაუგებრობაა სატანჯველი. პოეტს არ შეუძლია ამ საყვარელს იმისთვის კაცის ხელში ჰქოდავდეს, რომელიც „საწამლავში უარბათს ასმევს“, რომელიც ვარდებით ეკალში იტყუებს, ეშით ათ-რობს, ბოლოს, როცა ბევრის აღთქმით, ბევრის ხერხით ჩაითრევს და შეაცდენს, „ზედ შედ-გება ფეხით დაიმონებს, ცრემლებს ადენს, ლეჩაჭს მოხდის, გააზიშვლებს, ბანგს შეასმევს დააძინებს, გამოუზრდის მონად შვილებს და თვითონვე მას და-სკინებს“. ამ სატრფოს მისი მომხიბლველისაგან და-ხსნა, განსაცდელისაგან განთავისუფლება იდეალიც არის და გზაც ამ იდეალამდე მიმყვანი. პოეტის ტანჯვა და ვაება, სიხარული და აღტაცება მითი არის სასიმპატიო და თაყვანის საცემელი, რომ სრულიად უანგაროა, სრულიადაც არ ემჩნევა, რომ ვითომ უნდოდეს თავისი ტანჯვით იკოხტაოს, იმი-ტომ რომ წრფელის გულით იტანჯება და წრფელს გრძნობას კი კოხტაობისა და პრანკვისათვის არა სკალიან.

პირიქით, შეხედეთ რა ხასიათის სიმტკიცეს იჩენს პოეტი, რა სტრიკებრივს ღიღებულებასა ჰქე-მობს, როცა „ხალხში, ძალად ღრუბელს ადარებს“, „მოწყენით მტერს თავზედ არ აცინებს, რომ არა სთქვან მაზედ: „რა ოხერია“! მაგრამ ვინ ჩაიხედავს აქ, მის გულში, ვინ დაინახავს, რა ტანჯვა და წა-მება ტრიალებს იქა, რა „მწუხარების ალი“ სწვავს-

დიდებულია ეს ტანჯვა გულ-მკვდარი ადამიანისა, მით უფრო დიდებული, რომ არც შავი თვალების მოლრუბლვას გამოუწვევია და არც პირადის უბე-დურების გრძნობას, იმიტომ რომ „ვილას ახსოვს თავისი სატკივარი, თუ სატრფოც ჰყავს იმ დროს მას ცოცხალ-მკვდარი?“ ეს ტანჯვა ისეთის გრძნო-ბითა და სურვილით გამოწვეულია, რომლის და-კმაყოფილებისა და ალსრულების უიმედობა ცხოვ-რებაზედაც კი უარს ათქმევინებს მგოსანს:

„ღმერთსა ვვედრებ, ღმერთო, მომეცი ნება,
..რომ მეღირსოს საფლავში დაძინება,
..სჯობს, სულ განქრეს კაცი, რადგანც მტვერია,
..ამ ტანჯვისგან საფლავში დამიფაროს.
..რომ ამ გულზედ მე მიწა დამეყაროს,
..ეგებ მაშინ სატრფომ აქ გაიაროს,
..ჩემს საფლავზედ ცრემლები დააღვაროს,
..რომ სხვებმაც სთქვან: „ხედავ რა მწუხარია“.

ვაგრამ იქაც-კი, საიქიოსაც, თავის საყვარელს ვერ გაშორდება, იქაც იმ იმედით მიდის, რომ ოდესმე საყვარელი მის საფლავს ცრემლებს დააყ-რის და თუ ამას თითონ ვერ გაიგებს, სხვები მაინც დაინახავენ და იტყვიან: ამ კაცის ტანჯვამ ტყვლად არ გაიარა და ბოლოს მაინც ცრემლმა ცრემლი გამოიწვიათ. მართალი უნდა ვსთქვათ, ამ მხრით ჩვენმა პოეტებმა ჩინებული და დიდად შესანიშნავი შექსოვა იტვირთეს ორი გრძნობისა, პატრიოტიზ-მისა და სიყვარულისა, ერთმანეთს შეადულეს ისე ეს ორი გრძნობა, ერთი მეორის შინაარსად და

ფორმად გახადეს, ერთი მეორის აზრადა და სიმბოლოდ და ეს ისეთის ხელოვნებით მოახდინეს, რომ ხშირად გიძნელდებათ გაიგოო, რომელ სატრფოს უგალობს პოეტი, ქაჯებისაგან მოტაცებულ ცხრაკლიტულში დამწყვდეულ ნესტანს, თუ უბრალო ჩვეულებრივ საარტიკორ. სალალობო არსებას, რომლის გულზედ შემდეგი ზედ-წარწერაა გამოფენილი:

„გამოცვლილა სიყვარული
აქ ოთხმოცდა ცხრამეტჯერა“.

III

აკაკი რეალისტი პოეტია და, რასაკვირველია, როგორც ეგრეთს, სიყვარულის იმ მხარისათვის უნდა მოექცია ყურადღება, რომელიც რეალიზმის მამამთავრების აზრით არის ერთად-ერთი ღირსი ყურადღებისა, ე. ი. ფიზიოლოგიური მხარე ამ გრძნობისა, რადგან რეალურის ფილოსოფიის აზრით, სულიერი მხარე სიყვარულისა შეთხზულია, ოცნების მოყვარე იდეიალისტებისაგან და რომანტიკოს პოეტებისაგან. ამ აზრს ადგია თ. აკაკი წერეთელიც, მაგრამ სწორედ იმ გარემოებამ, რომ ვარდბულბულიანს იგი ხმარობს სიმბოლოდ დიდის გრძნობის—სამშობლოს სიყვარულის—გამოსახატავად, შეაჩერია აკაკი წერეთელი იმ აზრსაც, რომ სიყვარული დიდი მოთხოვნილებაა კაცის არსებისა და ამიტომ სერიოზულად უყურებს და უფრო ხში-

რად მის იდეალურ და საუკუნო მხარეს აძლევს
ისეთს მნიშვნელობას, რაც არა სჩვევია რეალურ
პოეზიას.

ზოგან მგოსანი ნამდვილ ნატურალისტურ და-
ხასიათებას გვაძლევს სიყვარულისას. „ეს გრძნობა
მის ძარღვებში სისხლს აღელვებ!, პიმპილითა შე-
კაზმულს, ხან ჯოჯოხეთს და ხან სამოთხეს წამ-და-
უწუმ იცვლის გული!“ ეს შარბათიო ამბობს იგი,
მე რომა ვსვამ „ხან მწარეა და ხან ტკბილი, და არ
ვიცი რა ვარჩიო, მე სიცოცხლე თუ სიკვდილი.“
და თავის თავსვე ამგვარ ჩერებას აძლევს: „ტკბილ
შარბათსა დაეწაფე, მწარეს აარიდე თვალი, სადაც
ვარდი აკოკრდება იქ ეკალიც ხომ იჩენს პირს;
მაგრამ ბრძენი მხოლოდ ვარდს ჰკრებს, ეკალზედ
კი არ ახევს ცხვირს. ქალიც ვარდის ჯაგი არის;
ეკალთან აქვს უვავილები, ორში ერთი აირჩიო,
თვითონ ჯაგს თავს რად ევლები?“ მგოსანს საეჭ-
ვოდ მიაჩნია, რომ ციური მშვენიერება ქვეყნად
გვეჩვენებოდეს „ბროლ-მკერდა, სახე ნათელის,
ალვის ხის ტანის არსებაში“, ღიმილი მას მატყუა-
რად მიაჩნია. და „მხოლოდ თვალები, ეს შემკრე-
ბავი ფოკუსი სიყვარულის ძალებისა, „თვალები
არიან გამკემი დაფარულისა“ „ლამაზი ქალი შე-
კვარებული სხივ-მომფენ ვარსკვლავსა ჰგავს“, ვარს-
კვლავმა უცბად მოწყვეტა იცის და ცის წყვდიაღ-
ში იღუპება, „მოწყვეტილი ვარსკვლავია—ქალი
გულ-გაგრილებული“, მოწყვეტილი ვარსკვლავის
მაგიერი ათასია ცაზედ, მაგრამ მუდამად მნათობად

ისიც ნუ გეგონებაო, უჩჩევს კაბუკს პოეტი. სი-
ყვარულის ფიზიოლოგიური მხარეც აქვს შენიშვნუ-
ლი პოეტს, ერთხელ ნახული ტურფა, რომელმაც
გული აუძგერა, იყო „პირ ეთერი, ტანად სარო,
სათაყვანო სანეტაზო, ბროლ ფიქალზედ ვარდ ლა-
წვები, ბროლ ბალაზში ბაგე-ლალი, ბაგეთ ტკბი-
ლად დასაწები, შავ ხუჭუჭ თმა, ნაწნავ-ბევრი,
წამწამ ხშირი, წარბებ ტევრი კერძოდ — ყველა სი-
ყვარული — ერთად სიყვარულის წევრი“. როცა სი-
ყვარულს ქვა კუთხედად ბროლ-ფიქალი აქვს, წარ-
ბებ ტევრი და წამწამი ხშირი, რა თქმა უნდა, იგი
ხან მოკლეა და ცვალებადი. სულ ღიღი საუკუნე
მისი, 10—15 წლია. ამის შემდეგ მარტო სევდით
ალსავსე მოგონება რჩება იმ წუთებისა, როცა „მი-
ჯნურის ხელსა სატრფოს გულ-მკერდში, ხშირათ
გაჰქონდა ფართხალი და მის ბაგეთ სატრფოს ყელ-
ში კრთოლებით უძებნიათ ხალი, ერთმანერთის ეშ-
ხით მთერალხი სიჭაბუკით ამაყობდნენ და დრო
რომ წლებს უწამელიდა, იმას კი ვერ ატყობდნენ“;
15 წლის წინად შვენებით ალსავსე ქალ-ვაჟი — დრო-
ისაგან გაძრცილნი ხედვენ, რომ „უკბილობით ბა-
გეები მათ პირში შეუვარდათ და ის ყელიც დაკ-
კნობია, რომელიცა მათ უყვარდათ“. ან კი სხვა
გვარად როგორ უნდა იქმნეს, როცა „ტრფობის
ბუდეა მშვენება, თავდები სიჭაბუკეა და ეს ორივე
აკლია ვისაც ჭალარა უმკია, სიჭაბუკე და სიბერე
ორი სხვა და სხვა კიდევა, ერთი რომ ჯაჭვით აბია,
შეორე ბეწვზე ჰკიდია. ის გაზაფხულის იაა, გარს

ეხვევიან ვარდები, ეს შემოდგომის ფოთოლი, სომ ჰკურავს ჩამოვარდება. და გაშრა ტრფობის აუზი გულწი ძველი-ლა არხია, მოდგება ცნობის მოყვა-რე თან გადმოყვება სურვილსა, მაგრამ უკანვე იქცევა, რომ ვერ მოიკლავს წყურვილსა, სიჭაბუ-კესა მიმართავს, მასთან დაიკერს კავშირსა, პატარა ნაპერწყალი სჯობს დიღს, მაგრამ ცივსა ნახშირსაა. ეს კიდევ დროის ზედგავლენაა და თუ მარტო ეს იყოს სიყვარულის საფლავი, კიდევ არავერი, მაგ-რამ სიყვარული ერთვარი ყინია, რომლის დაკმა-ყოფილების შემდეგ ერთობ უგრილდებათ მიჯნურთ გული, იქ თუ წლები იყო აქ დღეებია სიყვარუ-ლის ხანგრძლივობის გამომხატველი. „რაც იყვენ იგინივე არიან, იგივე აქვთ ორთავ ძალა, მაგრამ დრომან ხარბი გული გააძლო და მით შესცვალა. ვარდს ეკალი თან ხლებია, იჩხვლიტება მწარედ ხშირად, ტრფიალების ტკბილსა ბადაგს, ნალველი აქვს თურმე ძირად, და ერთმანეთის ეშვით დამთვ-რალნი“, რაკი გამოფხიზლდებიან, მალე გადაიტა-ნენ ეშვეს სხვებზედ, ფიცს გასტეხენ და უღალატე-ბენ ერთმანერთს ხოლმე და ეს კანონია თვით ბუ-ნებისაგან დადებული, რომლის შეშრა კაცთ არ ძალუძსთ. ამ გვარი მალია და სწრაფლ წარმავალი ნეტარება სიყვარულისა, „სიყვარული წამ ტკბილია და ხანგრძლივ მწარე, ჯერ აკვანი ნეტარების, მერქ კუბო და სამარე, დღეს მისია, ხვალ სხვისია, უგზო უკვლოდ მოარული... დიღის ხნობით მაღალ გრძნო-ბით ის არაეს არ ახარებს და წამიერ სიტკბოებას

საუკუნოდ წაუმწარებს, მაგრამ მაინც ყველა ეძებს, ცოცხალი ვით დაიწუნებს, ვინ არის რომ იმ ერთ წამში არ გასწირავს საუკუნეს?“ ხორციელება სიყვარულისა, წუთიერება ამ გრძნობისა და მისი ცვალებადობა ასე მშვენიერათ აქეს დახატული პოეტს. მაგრამ, როგორც მოგახსენეთ, ტრფობას თ. აკაკი წერეთელი სიმბოლიურ იარაღად ხმარობდა სხვა დიდ გრძნობათა გამოსახატავად, ამ გარემოების გამო თვით სიმბოლიურ იარაღსაც სხვანაირად დაუწყო ყურება და სიყვარულის იდეალური მხარეც ნათლად და მშვენიერად დაგვანახვა.

სიყვარული ჩვენის მგოსნისათვის სრული ნიჭია, „გულსა მისგან დახაზულსა ველარ ჰკურნებს დრო და უამი“, ამგვარად სიყვარულისაგან გამოწვეული ტანჯვა დაუსრულებელია, რომელსაც დროუ კი ვერა სცვლის და სიყვარულისაგან მოძულებული არსება მარტო ხორცით კი არ ობლება, არა, „სულსაც სტოვებს საწყლად, ობლად ამ ობლობის სამკურნალო ერთი მხოლოდ საფლავია. „სიყვარული წამ-ტკბილი და ხანგრძლივ მწარე“ მგოსნისთვის სამოთხის ძალია, ურომლისოდ სიცოცლე ავია.

სიყვარული ერთგვარი მონებაა, მაგრამ ეს მონება არ დაამცირებს არავის არასოდეს. შვენების ლვთაებისაგან ჯაჭვით დაბმული ნეტარობს და გაიძახის: „ვიშ, სიყვარულო! ჩემს გულსა, რა ტკბილი ჯაჭვით დაებიო“. „სიყვარული არის სჯული, ტრფიალება—წმინდა ლოცვა, მოტრფიალთა საუბა-

რი არის დიდი აღსარება, მათი ხვევნა, მათი კოცნა, სიიდუმლო ნეტარება“. აქ თუ გნებავთ პოეტი თვით ფიზიოლოგიურ მხარეს სიყვარულისას იდეიალურის შუქით მოსავს, რა-კი ბუნების საიდუმლოების გამომხატველად სახავს გარეგან, ხორციელ მხარეს გრძნობისას.

სიყვარული უძლეველი რამ ძალია, უკვდავი და სრული, რომელიც ბოლოს უამს სიტკბოების წამს ნალველ-ძმარად გარდაქცევა კატს, სულს აწვეთებს უხამს და გულს მით უწვავს, „რომ მის-გან მარად აწ მიეფარა“ და სიყვარულის დამჯარ-გავს „ოცნება უქრება“, ვნება ეშხამება და სიცო-ცხლის გაქრობაც სანატრიელად უხდება“. თუ სიყვარულისაგან გამოწვევული „ტანჯვა სიცო-ცხლის მომშხამველია, თვით სიყვარულიც „ყოველ სნეულობაზეც ძნელია, შეყვარებულთათვის ნა-თელიც კი ბნელია, აგრძნობინებს უცნაურს რა-ლაცა ციურსა ძალასა, და ეს ბიჯი სიკვდილ-სიცო-ცხლის სწორად ჩასათვლელია, ან უკად და ან კარ-გად გარდაქმნის ერთი-ორად, იმისდა მიხედვით, თუ რა ღირსებისაა სატრტო საგანი, თუ შეხვდა ღირსეულ სათაყვანოს სიყვარული მას, „განუმ-ტკიცებს გონებას, აუმაღლებს მით სულსა“. რაც ბუნებითად კარგი მასში მოიპოვება, აჰყვავდება, იხარებს, ვითა უმანკოება, „ვითა სხივი ცით მნა-თობის, გაანათებს ქვეყნად ბნელსა, ისე ესე სიყვა-რული განუქარვებს ჭირსა ძნელსა, სოლომონის სიბრძნეს მისცემს, სამსონისა ძლიერებას და გინდ

შავი დღეც დაადგეს, არ მოაკლებს ნეტარებას“. „მაგრამ თუ შეხვდა ულირს, ზეობითად დაცე-მულს, ვაი იმის სიცოცხლეს, საფლავამდე დაშეა-მულს“. ხანდისხან თ. აკაკი წერეთელს გრძნობა სიყვარულისა იმ ხარისხამდის აჰყას, ისეთ სამეფო ტახტზედა სვამის და ისეთის შარავანდედით ამკობს, რომ ბარათაშვილის გარდა ვერც ერთს ჩვენ ლი-რიკოსს ვერ უკისრებია ესა. თუ ხორციელება სი-ყვარულისა თ. აკაკის უნდა აღეწერა, როგორც ჩაელისტს პოეტს, თქვენა პხედავთ, რომ ამ მხრით იმდენ ძლიერებას კიდევ ვერ იჩენს, როგორსაც ალექსანდრე ჭავჭავაძე, ხოლო როცა სიყვარულის მაღალ მხარეს ეხება, უფრო ძლიერ ნიკს იჩენს ჩვენი პოეტი და, თუ ვერ ბარათაშვილობს, ყოველ შემთხვევაში გენიოსის პოეტის მაღალის შეხედულე-ბის ლირსეული მემკიდრედ ხდება, „შენ სიყვა-რულო! — ამბობს აკაკი, — „კისა და მიწის კაშირო და შუამავალო, შენ, რომლის ერთ წამს, იმ სანერაროს, მზა ვარ, სიცოცხლე მთლად განაცვა-ლო, შენ ვისაც უგუნურო უმეტესობა (დააკვირ-დით ამ სიტყვებს, თუ რომანტიკოსის მედიდურება არ გამოსცვრივი, ზიგა) ვერ გიგრძნობს, ვერც გცნობს, მხოლოდ ცილს გწამებს“.

„და შენ მაგიერ შენის სახელით
„ის ილიარებს პირუტყვულ წამებს,
„შენ და მხოლოდ შენ, ციურო ნიკო,
„გამოუთქმელო კაცთა ენითა,

„შენგან მგოსანი ფრთებ შესხმული ვარ
„და მონავარდე აღმა-ფრენითა“.

დამერწმუნებით ამის შემდეგ, რომ სიღიადე
და მშვენიერი სულიერი მხარე ამ დიდის გრძნო-
ბისა ჩვენს პოეტს სავსებით ჰქონია შეგნებული,
თან ისიც უნდა დაკუმატოთ, რომ მისთვის . ყოვ-
ლად შეუძლებელია ან ერთი წუთი ისეთის თავ-
დავიწყებისა, რომ სიცოცხლის საგანი თვალ-წინ
არ ედგას. მისთვის ყოველივეს იმდენად აქვს მნი-
უნელობა, რამდენათაც იგი თავს ევლება მისია
აზრისა და ფიქრის სამარადისო საგანს. თუ სატრ-
ფო ჩყვარს, რომელსაც საქვეყნოდ უცხადებს:

„შემსჭვალული ვარ მე სიყვარულით, მსურს გული
მხოლოდ შენთვის ვაძგერო და გეტრფიალო სუ-
ლით და გულით-“ო, ეს იბიტომ, რომ ის არის
ქალი, „კეშმარიტების გრძნობით აღვისლი, რომ
აასრულა მშობელის ვალი და გამოზარდა მამულის
შვილი“. „შენ გენაცვალოს კეკლული ყველაო,
ეუბნება ასეთს სატრფოს მგოსანი, ოხერიც იყოს
მათი მშვენება.

„მე შენ არ გეტრფი მშვენებისათვის,
„არც თითები გაქვს ბროლივით თლილი,
„მე გიამბორებ ხელზედ მისათვის,
„რომ მაგით გეპყრა მამულის შვილი,
„შენ მკერდს ვემთხვიო, მაქვს მე სურვილი,
„თეთრი რომ არის, მისთვის კი არა,
„არა... მისთვის, რომ მამულის-შვილი,
„კეშმარიტ დედას მაგ გულში გეპყრა“.

მგოსნისათვის ჩალის ფასადაც არა ღირს ქალის მუვენება, თუ გინდა იგი იყოს „თვით სარკე ხელოვნებისა, „მემკული გარეგნობითა“, რომელიც „თვალსა სკრის და გულს იტაცებს ანდამატურის ძალით“ — ასეთს ქმნილებას პოეტი მაინც ვერა სურმა თაყვანსა, „მიტომ რომ მისსა მშვენებას აკლია გვირგვინ-ბეჭედი, აწმყოში სულის ჩამ-დგემლი და მომოვალში იმედი — ეს არის ნერგი ოცნების, ლრმად გულში ჩამარხულისა სახის აღმა-გზნები ბეჭედი სამშობლოს სიყვარულისა“.

ეს აზრი და გრძნობა ისე აქვს გამჯდარი ძვალ-რბილში ჩვენს მგოსანს, რომ თვით უძლი-ერების წამები ტრფობისა გარეშე ამ ფიქრისა ვერ წარმოუდგენია, როცა იგი სატრფოს იწვევს: „უდა-ბურსა უცხო მხარეს გადავფრინდეთო, იქ შევეტკ-ბოთ ორთავ მყუდროთ, მტრედებივით დავიბუდოთ რომ სიამით, მარტოდ მარტო ნეტარებით განვ-ლიდეთ დროთო, მაშინ ერთის გულის თქმითა, შეთანაბებით და ლოცვითა ღმერთს ვავედროთ, საქართველო იცავს ისე, როგორც ცვიდაო“.

ამაზედ უფრო შორს წასვლა აღარ შეიძლება ერთის რისამე აჩემებასა და დაუინებაში. სამშობ-ლოს სიყვარული, ეს ის წერტილია რომელიც რადიუ-სებით შეერთებულია თ. აკაკი წერეთლისა, პოეზიის ყოველ ანბანთან და სტრიქონთან; ეს ის მზე არის, ის პლანეტა, რომელსაც გარს ახვევია მთელი დაუშრე-ტელი წყარო მისი ლექსთა წყობისა; ეს ის კანდელია, რომელიც ანათებს არა თუ მთელს ნაწარმოებს თ.

აკაკისას, არამედ იმის ნაწარმოების წყალობით მთელს არე-მარეს ჩვენის ღარიბის ლიტერატურისას; ეს ის ვარსკვლავია, რომელიც დღე და ღმე თვალწინ უდგა პოეტს; ეს ის უხილავი ანგელოზია, გინდა ნაზი ღმერთა პოეზიისა, რომელიც ჩასჩურჩულებდა პოეტს ღვთიურ სიტყვებს მისის ლექსიებისას; ეს ის საღმრთო ჩანგია, რომელსაც უხილავი რამ ძალა უწყობდა სიმებს, და რომლის ჰანგებზედ აყოლებდა მგოსანი ჩვენის ლიტერატურის დამამშვენებელს გალობას, კენესით და გოდებით აღსავსეს, ქებათ-ქებას საყვარელის სამშობლოსაღმი, რომლის მწუხარე და სევდიანი კილო და თანაც იმედითა და სასოებით ღსავსე ჰანგი სამარადისო მშვენებად უეკმნა ქართულის პოეზიისა.

კაცთა შორის დამოკიდებულება იმდენზედ ეინ. ტერესება ჩვენს პოეტს, რამდენადაც იგი .გამომხატველია „სულთან გულის გადამბეჭლის ძალის“, რომელიც ყოველთვის თვალ წინ უდგამს ქართველს ფერმიხდილ საქართველოს, **ბუნებასა** და კაცს შორის დამოკიდებულებაც ამავე საზომით იზომება. რამდენათაც ბუნების სურათი აღმძერელია ეროვნულის გრძნობისა და რამდენადაც იგი სამშობლოს ბედის სიმბოლოა, მხოლოდ იმდენზედ არის საინტერესო. აი თუ გნებავთ საქართველოს ისტორია ამგვარად აღწერილი.

„მხე ჩაესვენა ბრწყინვალე ქართლის
უდა მან დაჩრდილა მით არე-მარე,
„დაბნელდა... მაგრამ მაინც მის ბედზედ

„ბოლოს გამოჩნდა შუქ-მფენი მთვარე.
„ლაუგარდ ცაზედა წყნარად მცურავი
„პირ-ბაღრი, ნაზი, პირ-მომცინარე,
„და მას თან ახლდა მისი თან-მსრბოლი
„ერთი ვარსკვლავი მოსხივ-კისკარე,
„მაგრამ ამ დროსაც მოულოდნელად
„აღმოტყდა სუსხით რისხეის გრიგალი,
„აღმოსავალით გაღმოიტანა
„შავი ღრუბელი დიდი, დიდ-ძალი.
„ცა-მოწმენდილი, ლაუგარდოვანი
„დაიფარა და დაბნელდა არე!
„ვით გველეშაპმა მზეთ უნახავი,
„ისე ჩაყლაპა ღრუბელმა მთვარე“.

და ამ სურათს თვითვე აგვისხის მგოსანი:
„აი სურათი ქართლის ბედისა, როდესაც განქრა
მისი თამარი“.

მთელი ბუნებაც საჭართველოსი მისი წამების
უტყუარი მოწამეა და ან კი როგორ აუაროს გვერ-
დით პოეტმა ყოველ ბიჯზედ თვალში წამოჩირე-
ბულ ფაქტს:

„მთანი და კლდენი სისხლს უჩვენებენ,
„ქვესკნელი საფლავს და ძელებს გამხმართა,
„რომელნიც ანდერძს მოგვაგონებენ
„მსხვერპლად შეწირულთ წვენ წინაპართა. „..
ბუნების სანახაობა თითქო ჩვენის ბედის სუ
რათიაო.

„აი მღინარე აჭაფებული, ძვე მიაქანებს ას
წლოვან ხეთა, მალ-მალ ტალღით სცემს განრისხე-

ბული და სურს გაგლეჯა კლდოვანთ კიდეთა, რომ
სწრაფ მორეცხოს მან სისხლი ძველი, მის კიდეებ-
ზედ გადათხეული, მაგრამ კიდეთა **შეუკრეს ხე-
ლი და მისგამოა აღელვებული**“. განა თუ ეს
სურათი არ არის იმავე ლეჩაქ მოხდილის და ფეხ-
შიშეველის ნესტან დარეჯანისა, ქაჯთაგან ტყვედ
ქმნილისა, ხოლო სხვა გვარად დახატული კი. მაგ-
რამ, აქ ცოტას შევსცდი, ეს არის **სასურველი სუ-
რათი** და არა სურათი ნამდვილი. სინამდვილე კი
სხეას გვეუბნება: ტურფა, ცხრა კლიტულში ჩაკე-
ტილი, სრულიათაც არა ჰგავს მდინარეს, რომელიც
მისგანაა აღელვებული, რომ კიდეთა **შეუკრეს ხე-
ლი**, წინააღმდეგ, რამდენად უფრო ძლიერად უკერს
ხელს, იმდენზედ უფრო მოსვენებითა გრძნობს
თავის თავს, იმდენზედ უფრო განცხრომილია და
დამშეიდებული. ამიტომაც ესაა სურათი პოეტის
ოცნებაში ჩასახულის საგნისა და არა უტყუარის
რამ ნამდვილისა.

პოეტს ბუნება თავისს თანამოაეზრებდ მიაჩნია,
მისის ფიქრისა და აზრის სრულ მეგობრად, ისე
როგორც ჩანგი და ზურნა მიაჩნია მისის სევდისა
და კვნესის გამომსახველად: ბუნებას თითქო ესმო-
დეს მგოსნის კვნესა და გოდება, თითქო ისიც
ლეჩაქ-მოხდილის სატრფოის სიყვარულით იყოს გა-
გიუებული, თითქო მასაც შეეძლოს ჰყავდეს ასეთი
სატრფო და ამ სატრფოს ნესტან დარეჯანი ერქვას,
ბუნებას აი რა დიდი საქმე უკისრია; „თუ გნებავთ
გაარჩიოთ წმინდა ბრე წინაპრების და მტრების

ბილწი მტერი, “ თვალ-ყური ადევნეთ, თვით ბუ-
ნებას განუსაზღვრავს ესა: „იქ ეკალი ამოდის, სა-
დაც მტერი მარხია, და სადაც ჩვენმა ძველმა წმინ-
და სისხლი დაჭლვარა, აქ მოდის ყვავილები და
ზოგანც ვარდის ხეა“.

ბუნება კიდევ უფრო სიცხოვლესა და გრძნო-
ბიერებას იჩენს, კიდევ მეტად განსულიერებულია
და განხორციელებული პოეტის ხელში, როცა
„გულში იხუტებს საშეილიშვილო სამარეს, მამა
დავითსა ავედრებს, აბარებს ქვეყნის მოყვარეს,
მთა-წმინდა ჩაფიქრებულა, შეჰყურებს ცისკრის ვარ-
სკვლავსა, მნათობი სხივებს მალლით ჰუენს თავდა-
დებულის საფლავსა. დაღუმებულა მთა-წმინდა, ის-
მენს დუდუნსა მტკვრისასა, მღინარე ნანას უმღერის
რაინდსა ურჩისა მტრისასა“. თქვენ კარგად იცით
ვისი საფლავია ეს დიდებული განძი დღეინდელის
საქართველოისა*) და აწ თქვენთვის ადვილი მისახვედ-
რია, რომ დაუღალავი მგოსანი თავის სამშობლოი-
სა ერთს სურვილს, ერთს თხოვნას უცხადებს ქვე-
ყანასა და ბუნებას, იმ ბუნებას, რომელიც ასეთს
მეგობრობას უწევს მას, ასე უჭერს მხარს. ეს თხოვ-
ნა ღიდი არ არის, პოეტის თქმის არ იყოს: „დე-
დაშვილობამ ბევრს არ გთხოვ, შენს გიწას მიმაბა-
რეო, ცა-ფიჩუზ, ხმელეთ ზურმუხტო, ჩემო სამ-
შობლო მხარეო!“ და ვინ იცის საიდუმლოება ბუ-

*) აქ სახეში გვქონდა დიმიტრი ყიფიანი. მას შემდევ ამ საფ-
ლავს მეორე საფლავი მიემარა, რომელმაც ეს ადგილი სამარავსო
სათაყანო ადგილად გახადა ქართველის ერისათვის..

ნების მოვლენათა, ვინ იცის დაფარული კავშირი მოვლენათა, ვინ იცის იქნება ეს სამშობლო მიწაც კმაყოფილი იქნეს და ბეღნიერის ისეთის მგოსნის დასაკუთრებით, რომელმაც შეიძლება უსულო ბუნების ფიქრებიც კი სავსებით შეიგნო.

როგორც სიყვარულს, ისე ბუნებასაც პოეტისთვის მხოლოდ მაშინ აქვს მნიშვნელობა, თუ იგი დიადის საგნის მოტრფიალეა, ნიადაგ მაზედ ფიქრებით აღსავსე, თორებ სხვა სულ ერთია მგოსნისთვის და „ბუნება გაზაფხულზედ საპატარძლოდ მორთულია და პფეფქს მისი ძალი, ზამთრით გამოღვიძებული, რაც კი ქვეყნად გაჩენილა უენოა, თუ აქვს ენა, სულიერს, თუ უსულოსა საზოგადო ჰქონდესთ ლხენა“.

პოეტის გაზაფხული თუ არ მოსულა ჯერაც კიდევ, არას დასდევს, „თუნდ ხმელეთიც აბიბინდეს და აჟყვავდეს კიდის კიდე“. შესაძლოა ბუნების სიმშვენიერები მგრძნობიერმა მგოსანმა დაინახოს, რომ „ქვეყნიერად გადმოსულა სასუფეველით სიყვარული, იწვევს ყოველ სულიერსა, რომ მივმაღლოს სიხარული, ცა და დედამიწას შეამყარებს ეს ქორწილი“ — ეს მისთვის რა ხელ საყრელია? — მხოლოდ მას ერთს ამ ფერხულში არა აქვს წილი, „სანამ მისი საყვარელი ქაჯებსა ჰყავთ ცხრაკლიტულში, ვინ აღირსებს სასუფეველს, ჯოჯოხეთი უძევს გულში.“

სიყვარულის გრძნობის არ იყოს, თ. აკაკი წერეთელმა მშვენიერად იცის კავშირი ბუნებისა და ადამიანის შორის, გამოუყდია მისი გავლენა ადამიანზედ. „ბუნება მისთვის შემოქმედების სარ-

კეა, და ნეტავ თუ იყოს ქმნილება, სპერეტდეს
და არ გრძნოს, მან ნეტარება“. მასაც უგრძენია
სიმწარე სულით მარტოობისა და ხშირად მიუმარ-
თავს ბუნებისათვის, როცა მის საბრალო გულს
უგრძენია საჭიროება გრძნობის გამოთქმისა, მქირ-
დავი კაცის თვალისათვის ზურგი შეუქცევია, მარ-
ტოობა ამოურჩევია „და მთა, კლდე; ტბები, მდი-
ნარე, ველი, მიწა და ქვანი გაუხდია მისის კვნესის
მოწმედ“, უგრძენია რა ტვირთი დაფარულის ტანჯვი.
სა, მისი ეისთვისმე გაზიარება მოუწადინებია და უსუ-
ლო საგანისათვის შეჩივლება გადაუწყვეტია, ეგებ მათ
მაინც იგრძნონ მისი სიმწარე. ბედს მისთვის ერთი
მხოლოდ ბუნება „დაუნიშნავს მუდამ-ნუგეშად“,
ჩვეულებრივად სტებება ბუნებით და გაიხარებს
„ქვეყნად ყურს უგლებს ტკბილი ბუნება და ზეცით
ეშხით დანათის მთვარე და სევდისაგან გარე მო-
დებულს ბნელს გაუნათლებს მას საღმრთო ელვა!“
ამგვარი გამეგობრება ბუნებისა ჩევნთვის ნაცნობია,
ბარათაშეილიც ხომ დამაუიქვრელ, ვერან, უდა-
ბურ მთაწმინდას მიჰმართავდა ხოლმე კაცთა უგუ-
ლობით დევნილი და მტკვრის დუდუნა დაეკითხე-
ბოდა თავისის ქვეყნის ისტორიას.. ჩეენი პოტიც
ნუგეშსა და იმედს ჰედავს ბუნებაში, ხანდისხან ის
წმინდა პანტეიისტურ ექსტაზში მოდის, როცა
ტკბილ ნეტარებით შეზავებული სანახაეობა ბუნე-
ბისა „საღამოს“ ხანზედ სამოთხისაკენ იტაცებს
გულსა, რომ საიდუმლო სასიქადულო კაცსაც
ბუნების შეატყობინოს და სადაც კუუა სცდება და

სტუა, იქ მარტო მხოლოდ გულს აგრძნობინოს“, მაშინ პოეტი გრძნობს, „რომ არის ზეცა აღვსილი რაღაცა ძალით საგზნობით და ეს ქვეყანა, ყოველგნით ჟველგან თავს უხრის შემქმნელს მაღლით საგრძნობით“. მაშინ ბუნება ხორც შესხმულ არსებად წარმოუდგება, „დახეთ ამ თვარეს, სხივ მომფინარეს თითქოს ტკბილ სევდით ივსებსო გულსა, მოკაშკაშენი, მოკიკიკენი, ვარსკვლავნი ირგვლივ აბმენ ფერხულსა, ძალთა დიდება, შექმნათა ქება არს საიდუმლო მათი სიმღერა! ქვეყნით ბუნება, ბანს ეუბნება და ეს ბანია მის გულის ძერა, ყვავილთა ენა, არს სუნნელთ ფშვენა, საგალობელად აღმა კმეული, წყალთა ჩქრიალი, ფოთოლთ შრიალი ბალახთ ბიბინი რაღაც გრძნეული, ბუნების მაყრულს, საქორწინოდ სრულს ეკავშირება, ზე ემატება და ეხლა ის გრძნობს საიდუმლოდ სცნობს, რომ არის კაცუში ღვთისა ხატება!“ ასეთის პოეტურის ფილოსოფიით და ფილოსოფიურის პოეზიით არის აჯავსე აკაკი წერეთლის შეხედულება ბუნებაზედ, მაგრამ არა მარტო ლირიული მხარე დაგვიხატა მან ბუნებისა, ე. ი. არა მარტო ბუნების მოვლენათა რინაგანის კავშირის გამოფენა იდვა თავს, არამედ გარევანი ბუნების მშვენიერი სურათებიც მოგვცა. ასეთია არის შეშანიშნავი აღვილი „თორნიკე ერისთავიდან“ ბრძოლის წინ დილის. აღწერა:

„ვითა ეთერი მზეთ-უნახავი,
„საყვარლის მლოდე, თრთის და კანკალებს

„სახეს გარდის ფრად იღებავს გრძნობით
„და იელვარებს სურვილით თვალებს,
„ისე განთიადს ცისკრის ვარსკვლავი
„ლაუვარდ ცაზედა კაშკაშით თრთოდა
„და ფერ მიხდილად ნათელ-ძლიერი
„მზისა ამოსვლას ეშით შეტრჭოდა.
„თითქოს ქვეყანაც, მით მოხიბლული
„გამსკვალულიყო მისის თანგრძნობით
„და უგალობდა „ციურ-ნანინა!“
„საიდუმლო და უცნაურ-გზნობით.
„სუნნელთა მფენი დილის ნიავი,
„ბალახთ ბიბინი, ფოთოლთ შრიალი
„ბანსა აძლევდნენ ღვთიურს ნანინას
„და ათანხმებდა მათ ძალთა-ძალი.
„ციურის ნიკის მისაღებელად
„ვარდმა კოკობმა თავი ახარა;
„ცრემლად დაეცა გულზედ მანანა
„ააელკერა და გაახარა!..
„თურმე ბულბულიც ამას უცდიდა:
„თავისებურად იწყო მან სტვენა,
„თითქოს უნდოდა მით მოეტანა
„ცოდვილ-ქვეყნისთვის კურთხევა ზენა.
„მაგრამ ამა დროს საზარელის ხმით
„უცბად რაღაცამ დაიგრიალა
„და მით სიხარბემ ჯოჯოხეთისამ
„გამოიჩინა ბოროტი ძალა:
„შეიქმნა ბუკის, საყვირის ცემა,
„ასტყდა კიკუინა ზურნის საზარი...“

„აპა თენდება და ემზადება

„სისხლის სათხევლად ორივე ჯარი“.

პოეტმა ბუნებასთან კავშირი ადამიანისა საუცხოვოდ და სავსებით დაგვიხატა. ხოლო ისეთის მშვენიერის ლექსით დაგვისურათა ბუნების ძლევა-მოსილი გავლენა სიყვარულის გრძნობაზედ, უკეთესის წარმოდგენა ძნელიც არის. გულ-დათუთქულ საყვარლის საფლავის მაძებარს „ვარდი ნიშნად თან-გრძნობისა თავ-დახრით შეეგება და ცვარ მარგალიტი ციური დაბლა ცრემლებად დაყარა; სულ განაბულმა ბულბულმა შეითრთქიალა, ყვავილს ნისკარტი შეახო, ჩაიკვნეს ჩაიკიკვიყა, თითქოს თქვა „დიახ, დიახო“ – მოციმური ვარსკვლავმა სხივები გადმოაყარა და იმ ღროს ყურში ჩურჩულით ნიავ-მა გაახარა“. ამგვარად მისი სიყვარულის თანამგრძნობი, მისი გრძობის ეხო თვით ბუნება შეიქმნა; ცადედა-მიწა და პირუტყვნი: „სამათ დაშლილა ის ერთი ვარსკვლავათ, ბულბულ ვარდათო“ და იმ დღიდან ტრობის ქურუმი მგოსანი

„ბულბულს ყურს უგდებს, ვარდს ყნოსაეს,

„ვარსკვლავს შეჰყურებს ლხენითა

„და რასაცა გრძნობს ის იმ ღროს,

„ვერ ვამოუთქამთ ენითა“.

ამგვარად დაარსდა საუკუნო კავშირი მგოსანსა და ბუნებას შორის, მათ შორის მეგობრობის ხიდი გაიდვა და, ვინ იცის, იქნებ ეს სამად დაშლილი სიყვარული იგივე მისი სამარადისო სატრფოსადმი გრძნობაა, რომელსაც ყოველი ნაბიჯის გადადგმა-

ზე აგონებს ცაზედ ვარსკვლავი, ირგვლივ ტყე
ბუჩქინი და ვარდი მისის მიჯნურის ბულბულით;
თვალს მოციმციმე ვარსკვლავი აგონებს სატრფოს,
ქაჯებისაგან მოტაცებულს, მის ყნოსვას ვარდი და
ია აღვიძებს და იმავე სატრფოსაკენ მიახედვინებს,
ხოლო მის სმენას ბულბული ატკბობს და ჩასახის
ზეციურ ჰანგებს, მოძმეთა გასაღვიძებლად.

სიყვარული, ბუნებასთან კავშირი და სიკვდილ-
სიცოცხლე — აი დიდი საგნები, რომელსაც ეხება
მსოფლიო ლირიკა და ქართული ლირიული ლი-
ტერატურაც აღსასესა მაღალ ნიჭიერ და დიდებუ-
ლი ლექსებით, რომელთაც აქვს შინაარსად ბუნე-
ბისა და სიყვარულის გამოხატვა. მაგრამ სიკვდილ-
სიცოცხლე კი ნაკლებ იპყრობდა ქართველ მგო-
სანთა ყურადღებას. არც კავკავაძეები, არც ორ-
ბელიანები, არც ერისთავები არ შეხებიან ღრმად
ამ საგანს. ეს კიდევ არაფერი ქართველის ერის
სულის კაეშნის გენიოსი ბარათაშვილის ყურადღე-
ბასაც კი არ იქცევდა ეს მძიმე საგანი, მხოლოდ
ერთხელ, ისიც წერილში და კიდევ მეტი რუსულ
ენაზედ — აღვენწერა საიდუმლო სევდა სიკვდილის
სიმბოლოს სასაფლაოისა, თორემლექსში ერთი სიტ-
ყვაც არ უთქვამს. გასაოცარია, რატომ იზიდავდა
ასე სუსტად ეს საგანი ჭმუნვით აღსავს ჩვენ მგო-
სნებს, რომელთაც ყოველივე ხელს უწყობდათ სიკვ-
დილზედ ეფიქრათ, სიცოცხლე დაეგმოთ და სიკვდილს
მიგევებოდნენ როგორც დამხსნელ ძალას. მეშინა
თქმა, მაგრამ არ შევცდები თუ ვიტყვი, რომ ეს

არის ბრალი გისი, რომ ქართველები მეტად ნაკლები ფილოსოფოსები ვართ, ძალიან გვაკლია სიღრმე ბუნებისა ამიტომაც გვერდს უვლის ჩვენი ლიტერატურა თვით უდიდესსა და უმძიმეს საგანს პოეზიისას, რომელიც უცხოელ ლირიკოსთ ყოველ მხრივ აქვთ დახატული.

არც თ. აკაკი წერეთლის ჩანგს მოუცლია სიკედილ-სიცოცხლის საიდუმლოების აღსანიშნავად, ამ მოვლენისაგან აღმძვრელის გრძნობების გამოსახატავად. მისთვის როგორც ყოველივეს ამ ჭვეუნად სიკედილსა და სიცოცხლეს მნიშვნელობა აქვს პოეტის მთავარის აზრის მიხედულებით. სიცოცხლე იმდენად მიაჩნია საჭიროდ, რამდენათაც იგი ემსახურება სამშობლოს. სამშობლოსთვის თავგანწირულის მგოსნის სიცოცხლეს იგი ხატის წინ ანთებულ სანთელს ადარებს.

„ის საიდუმლო პარპალით

„ბნელს ფანტაზის თვისი ნათელით.

„მყუდროდ, უხმოდ და უძრავად

„ღნება, ვით მსხვერპლი დიადი,

„რომ მაღლით გაასპერაკოს

„თვალ-უწდომელი წვდიადი!

„მიგსჩერებივარ ამ დიდ ძალს

„მწარ-ტკბილად ჩაუიქრებული

„მეტა უსიტყვოდ, უძრავად,

„ცის სვეტად გაქვავებული

„რაღაც უცნაურ ერთობას

„ვხედავ სანთელს და ჩემ შუა

„მხოლოდ ვგრძნობ... თვარა ვერ სწვდება.

„ჩემი ჭკუა და გონება;

„სანთელი მგოსნის ხორცია

„სიცოცხლე მოკლე პატრუქი,

„ნათელი—ჭკუა გონება

„იმათგან გამონაშუქი.

„ჩემი ხატია სამშობლო,

„სახატე—მთელი ქვეყანა

„და რომ ვიწოდე, ვდნებოდე

„არ შემიძლია მეც განა?

„კი მაგრამ,— (განაგრძნობს სევდა მორუელი პოტი)

შნათე არსად სჩანს,

ჩემთან მომტანი „ცეცხლისა,

ის მოციქული მომავლის

მსგავსი ჭიკვიკა მერცხლისა.“

ყოველივე განმარტება ამ ღვთივ მშვენიერის-
ლექსისა მეტია, თქვენ ნათლათ ჰქედავთ აქ სიწრ-
ფელება და სიდიადეს მაღალის გრძნობისათვის თავ-
განწირულებისას.

სიკვდილი თ. აკაკი წერეთელს მიაჩნია რა-
ლაც არა სანატრელად და ორ ჭირში ერთის არ-
ჩევას ამჯობინებს, მხოლოდ დღე ნიაღაგ იმას იმეო-
რებს „სჯობს სიცოცხლესა ნაზრახსა, სიკვდილი
სახელოვანიო“ და იმაზედ კი თავის დღეში არ
დაფიქრებულა პოეტი, თუ სიკვდილის წინაშე ან
სახელოვანი სიცოცხლე რა არის და რა ფასი აქვს.
გაბიაბრუებულსა და მოტყუებულ სატრფოს ლე-
ჩაქ-მოხდილს, გაშიშვლებულს და ფეხით გათე-

ლილს ეუბნება: იკი მე რას გირჩევ,

„ვით სნეულსა და ავადმყოფს?

„თუ ორ კირში ერთს აირჩევ,

„გარყვნას ისევ სიკვდილი სჯობსა.

საფლავისკენ თუ მიისწრაფვის, იმიტომ, რომ „შავ საფლავამდის მტრობა ვეღარ ჩაჰყვება ძალ-მიხდილს მკვდარსა და მცილებელთა შავნი საქმენი ფერს ვერ უცვლიან თეთრსა სუდარსა“. სიკვდილი განსვენებაა „გრძნობათაგან“, რაღან საუკუნო ძილით განსვენებული ვეჯარასა გრძნობს. ამიტო-მაც თუ პოეტი „საფლავისაკენ მიეწურება“, იმი-ტომ იქ „იხილავს ის განსვენებას, უგრძნობლო-ბითა იმ უმწარ-ტკბილით, ბოლოს მოუღებს რა მოთხინებას საღკუნოსა უფსკრულის ძილით“. ნაღვლიან მგოსანს, რომელსაც შავბედი ეწვია და ცრთებ დაკიდეცილმა ოცნებამ მთლად წაუწყმიდა იმედი და სიცოცხლე გაუმწარა, ასე ურჩევს გონება:

„დააცხრე გულის ვნებაო,

„სიცოცხლე არის მონება

„სიკვდილი განსვენებაო“.

თ. აკაკი წერეთელმა პოეტი ფუტკარს შეა-დარა ბზუილა მოუსვენარსა, რომელიც „დაბზუა, დაფრინავს, ქვეყანას თაფლუქს უმზადებს და სან-თელს უნთებს ზენასა, და ვინც ხელს უშლის შრო-მასა, იმის დროზედ კბენასაც არ იშლის“. არც თ. აკაკი წერეთლის მუზას მოუშლია დროზედ კბენა ხელის შემშლელისა. თ. აკაკი წერეთლის სატირაც,

როგორც რეალური, ბევრად განირჩევა რომანტიულისა და კლასიკურის სატირისაგან. თუ კლასიკური სატირა სასაცინოდ ხდიდა საზოგადო ნაკლულევანებას კაცისას (სიძუნწეს, სიმხდალეს, სიბოროტეს და სხვა) და რომანტიკოსებს თავიანთის კბენის ღირსად მარტო ბოროტ სულები და ღმერთები მიაჩნდათ, თ. აკაკი წერეთელი უფრო მდაბიურ საგნებს ეხება. უმეტესი ნაწილი მისის სატირისა პირადობას ეხება და ხშირად მეტად რიგიან პირადობასაც. ამგვარი სატირა, უნდა ესთქვათ, თ. აკაკის სუსტი შხარეა. მისი „კბენის“ მსხვერპლი გამხდარან ისეთნი, რომელითაც თავისდღეში მისის შრომისათვის ხელი არ შეუშლიათ. საკმაოა გააჯავროს პოეტი ვინმემ, ბრალია თუ უბრალო იგი, რომ პოეტმა თავისი შხამიანი ისარი მომართოს სხვას გარდა ამ შემთხვევაში იგი ისეთს დამნაშავობასაც კი ჩადის, რომ თავისს დიდებულ თანამეკალმესაც არ დაინდობს ხოლმე. და ამისათვის მისს სატირას უფრო ხშირად კერძო პირადობა აქვს ხოლმე, რომელთა მცირე სიბოროტეს არავითარი დიდი მნიშვნელობა არ აქვს ცხოვრებისთვის და ამიტომაც თ. აკაკი სატირას მარტო დროებითი ხასიათი ჰქონდა და აქვს და მართლაც უკომენტორიოდ ძნელი გასაგებიც არის. სწორედ ეს დარგი მწერლობისა უნდა ჰქონდეს თ. აკაკის სახეში, როცა ერთ აღგილს სწერს: „უმეტეს ჩემ ნაწერს დღეს იმდენათ დაკარგული აქვს მნიშვნელობა, რამდენათაც დრო და უამი იცვალა და მხოლოდ მაშინ

იგულისხმება, როცა მოვიხენიებთ იმ გარემოებას, რასაც გამოუწვევია ჩემი მხრით რომელიმე გვარი მწერლობა”-ო. თუ აქ თავისი პუბლიცისტური და სატირიული ლიტერატურა ჰქონდა მხედველობაში თ. აკაკის, სრული კეშმარიტებაა სწორედ. მაგრამ ამ დარგშიაც მოიპოვება ერთგვარი ლექსები რო. მელშიაც თ. აკაკიმ მისი ნიკის საუკეთესო მხარე გამოიჩინა. ეს გახლავსთ მისი არაკები. მართალია, როგორც საზოგადოდ, ისე მისი არაკებიც გადმოკეთებულია, მაგრამ აქ სწორედ გადმოკეთება ნიშავს გადმოქართულებას. ეზოპის, ლაუნიტენის და კრილოვის არაკების უინარსი ნამდვილის ქართულის მოტივებით აქვს გადმოცემული და სწორედ დიდის ხელოვნებითაც, (მაგ. „დემიანოვა უხა“ — კირვეული თამადა აკაკისა). არაკებშიაც სწორეთ იმათ უნდა დავუთმოთ უპირველესი ადგილი, რომელიც პოეტის მთავარ აზრს ეხება. ამათში კი უედევრად „ალექსი“ უნდა ჩაითვალოს და რომლის ეგრეთ წოდებული, მორალი ეს უნდა იყოს: „მელა კუდურა და მასთან მურა, რომლებიც წელან შეგობრათ სწამდა, მრისხანე ძალით, თვალის ბრიალით, ულრენდნენ და თანც ილესდენ კბილებს! და მაშინ ცხვარმა, შიშით შემკრთალმა, ცრემლით ურჩია საბრალო შვილებს: „აწ კი გვიმართებს, ამ მინდვრებს და მთებს გამოვეთხოვოთ—მონა ვართ მელის.... გვაწევს ლვთის რისხვა, სანამ აწ ჩვენ სხვა არ გამოვვიხსნის და არ გვიშველის... ვმონოთ ჯერ შავ-ბეღს, ნუ ვკარგავთ იმედს: სოფელი

ბრუნავს აღმა და დაღმა. რომელმაც ჩვენა არ მოგვასვენა — ეგებ დაგლიჯოს შელაც იმ ძალლმა და ჩვენც მაშინა... ჩუ! შემაშინა რაღაც ჩვენებამ, ამბობს „ფრთხილადაო! ჯერ მსხვერპლი უნდა, უმანკო წმინდა, განსაწმენდელი შვილის-შვილადო. ეს რა წარმოთქვა, ყელს შეიბა ქვა ნიშნათ მონების... დადუმდა ცხვარი ძირს თავ დახრილი იწყო ტირილი... დღესაც არ თქჩება იმას ცრემლთ-ლვარი, იმ არე მარეს, ჩაგრულ მწუხარეს გულ მოსაკლავათ რწყავს ის ცრემლთ ლვარი.... და რომ შეაშროს ის ცრემლი ერთ დროს, მისთანა გმირი ჯერ ასად არი“.

ამით ვათავებთ ჩვენ თ. აკვკი წერეთელის პოეზიის შესახებ ბაასს. ჩვენ არ ვეხებით არც მის პროჭას, არც მის პოემებს, არც მის დრამატიულ ნაწარმოებებს, ჯერ ერთი იმიტომ, რომ ჩვენის წერილის უმთავრესი საგანი სალირიკო ლექსებია და მეორეც იმიტომ, რომ პოეტის ნიკი, რომელ მაც შეჰქმნა დიდებული ნაშთი და ღრმა კვალი გაატარა ჩვენს ცხოვრებაში, სწორედ ამ ლექსებში გამოიხატა სავსებით, მისი ისტორიული პოემა „თორნიკე“ ერისთავი“, „ბაგრატი“, დრამა „თამარ ცბიერი“ და „პატარა კახი“, მისი „ბაში-აჩუკი“ ერთისა და იმავე აზრით აღსავსენი, სულ სამშობლო ისტორიის იდეალიზაციაა და ამ მხრით იგინი ნამდვილ რომანტიული ნაწარმოებნი არიან და მარტო პოეტის პირადის შეხედულების გამომსახველი. ეს პოემები და დრამები გვარწმუნებენ, რომ ძველ

საქართველოს მზეზედ არც ერთი შავი წინწკალიც არ ყოფილა, ყველანი მხნენი იყვნენ, გულადნი, მამა-ცნი, ყოველის სიკეთითა და მშვენებითა აღსავ-სენი. ბერი ბერიბას არ კადრულობს, პოლიტიკუ-რი მოღვაწეა და თავ-განწირული მოწამე, მეფე ისე ადვილად სწირავს თავსს გვირგვინს თან ერთად თავისს თავს და სკრიპტრასთან ერთად სულს სამ-შობლოსთვის, თითქმ ფლავის ჭამა გადაეწყვიტოს. ზე დაცემული დედოფალი, ვნებათა ლელეის უძი-რო ზღვა, თვალის დახმამებაში იცვლება ანგე-ლოზად და სწირავს არა თუ თავის ვნებას, თავისს სიცოცხლესაც შეუჩაცხმყოფელ სატრფო მგოსანს და მისის აზრის განხორციელებას შველის. ომში ყოველთვის ერთი ქართველი ათასზედ იმარჯვებს, სიბრძნეში და ომის ტაქტიკაში ქართველები სჯობ-ნიან. ეს ჯველა გაზვიადებული და პოეტის ოკნებით შეუერადებული წარმოდგენაა სინამდვილისა. თქმა-არ უნდა, დიდი გმირულ სული უნდა სდგმოდა იმ ერს, რომელმაც ამდენ აოხჩებას კიდევ გაუძლო, მაგრამ ისიც მართალია, რომ თუ დიდ გმირებს გვერდით დიდი სულით დაცემულები არა ჰყოლო-და, ჩვენის ბედის ჩარხი სხვა რიგად დატრიალ-დებოდა.

მე მგონია აკაკიზე რისამე მთქმელს და ამ ნათქვამის გამგონესაც თავში უტრიალებს ერთი აზრი, ეს აკაკისა და ილიას შედარება. ეს სურვი-ლი სრულიად სამართლიანია და კანონიერი. ორი დიდი მწერალი, წარმომადგენელი ჩვენის ტურფა

მხრის ორი საუკეთესო კუთხის (იმერეთისა . და კახეთისა) ძალა-უნგბურად აღვიძრავსთ სურეილს შედარებისას და რაკე შედარება იქნება, ადამიანის აზრად მოუვა, რომელი მათგანი სჯობია ან უმაღლესად სდგასო*). მაგრამ ამ საკითხზედ პასუხის გადაჭრით მიეცემა ყოვლად შეუძლებელია.

ხშირად შემიღარებია ხოლმე ქართლისა და იმერეთის ბუნება. კორტოხის იქით მწირი ბუნებაა, გარეული ველი, ერთფერი და ერთგვარი, ირგვლივ მთები და გორაკები გაცრუენილი და ქვა-კლდით აღსავს, შუაში მდორე და მღვრივე „მრავალ დროის უტყვი მოწამე“ მტკვარი „მიბუტბუტებს“, იქა-აქ ციხე ქალაქთა ნანგრევი მოსჩანს, ცა როგორადაც გახუნებულის ფერის არის, იმერეთის და-გვარდა ცასთან შედარებით, მწვანეს როგორდაც გადამწვარის, გამხმარის ფერი ადევს. მაგრამ ყოველივე ეს თქვენში ღრმასა და აღმოუფხვრელ წარუხოცელ შთაბეჭდილებას იწვევს, თქვენი გული სევდითა და ვარამით ივსება, თქვენის თვალის წინ იშლება სურათი ჩვენი, ტანჯულის სამშობლოისა, თქვენი თვალი თითქო აგრე ხედავს ათასგვარის ხალხის ჯარს, რომელსაც თავისი ძლევა-მოსილი მსვლელობა აღუსრულებია საქართველოზედ და თავისი მტრობისა და გამარჯვებისა სამარადისო კვალი ცეცხლითა და მახვილით აღუნიშნავს ჩვენის

*). ჩეენ სახეში გვაქვს მა ორ მწერალთა მხოლოდ სალირიკ ლექსების შედარება და არა მათის საზოგადო ლიტერატურულის მოღვაწეობისა და მისუნელობისა. (ამის გამო იხილეთ ჩვენი ეტ. ქართლი. წერ. IV თ. ილ. ჭავჭავაძე).

სამშობლოს ავანგარდის გულ-მკერდზედ. ეს გაცრ-
ცნილი შთები, ეს ციხის ნანგრევები, დროთა
ვითარებისაგან ძაძით შემოსილი, თითქო ბედ-კრულს
სამშობლოს გლოვენო, ასე გვონიათ გუშინ იყო
დამწვარი და გადაბუგული მონგოლთა და სპარს-
თაგან, ეს სანახაობა საუკუნო მცმუნვარების ბეჭედს
ასვამს თქვენს გულს. თქვენს გულსა და გრძნო-
ბას იტაცებს ეს აოხრებული მიღამო და ლრმათ
ჩაგაჩნდებათ ხსოვანში სასიცოცხლოდა და სასიკუ-
დილოოთ.

ამ „ჯართა ველზედ“ თქვენ ხედავთ, რომ
ერთის ციხის ნანგრევის გვერდით თავმოყრილია
მცხოვრებნი, თითქო წიწილები კრუხს შეცფარები-
ანო (შედარებაც აკაის არაკიდანა), რაკი უვავ-
ყორანისა უცნაური ჩხავილი გაიგონესო, ერთმა-
ნერთს მიჰკერიან, რომ მტერს თვალი აუხვიონ და
თუ აღარა გაეწყობარა, მერე ერთის ძალით შე-
ებრძოლონ. აქვე მუშის ლულუნს გაიგონებთ, იმ
უცნაურს კენესითა და სევდით აღსავსე ლულუნს,
„მწუხარეს ვით გლოვის ზარსა“, რომელიც „თუ
სევდას მობერს დაჩაგრულს გულსა, უკუჭყრის
კიდეც ვითა ლრუბელი“. ეს ლულუნი გამომხატვე-
ლია მთელის საუკუნოების ქართველის ტანჯვეით
შემოსილის გოდებისა და კვნესისა, ეს ლულუნი
აღმოსავლეთისა პესიმიზმის ნათესავია, იმ პეს-
სიმიზმის, რომელსაც ბუდა და ქრისტე პავდა მო-
ციქულებად—იგი ერთხმივია, მონოტონური, მაგ-
რამ მასთანაც ლრმა გულის ძირიდან აღმონაკვნესი

„ნალველ-ძმრით“ შეზავებული და ერთხელ გაგონილი საუკუნო სამახსოვროდ რჩება სმენასა და გონებას. მთელი ეს ბუნება, ბუნების ნაწილი ტყე და ველი, კაცი და მისი სიმღერა და ლაპარაკი მელანქოლიით აღსავსეა. თავდაპირველად კაცს თითქო კიდევაც გულგრილადა და ნაწყენად სტოვებს, მაგრამ თან-და-თან თავისის ერთგვარის ლრმა სევდიანის სახით ჰიპნოტიურის ძალით ხიბლავს და იზიდავს აღამიანს და დაბოლოს სამარადისოდ იმონებს. ასეთი არის, ბატონებო „განდეგილის“ ავტორის პოეზია.

სულ სხვა გვარია კორტოხის აქეთა ბუნება. ყოველი ნაბიჯი სულ სხვა და სხვა სანახაობას წარმოადგენს: აგერ ველი, აგერ გინდორი, აგერ გრაკი, აგერ მდინარეებით დასერილი ხეობა, ხე-ტყე და მწვანე ბალახი ათასფერია, მართალია მწვანეა, მაგრამ ეს მწვანე ათასგვარის ტონისაა, ნიაღაგ მოცინარი და მხიარული ბუნებაა. აქ ნანგრევებიც კი სულ მწვანე ხავერდით უემოსილია, თითქო დარდი თავის დღეში არ ეგემოს და სადღესასწაულოდ მორთულიყოს, აქ მდინარე ანკარაა და ჩქარი, გატაცებული ეკვრის გულში ტურფა მიღამოებს, მის სარკე წყალში იხატება „ცა-ფირუზ“ – „ხმელეთ-ზურმუხტი“. აქ ადამიანთა მოსახლეობა ერთი შეორეზედ მოშორებით არის, თითქოს ბუნების სიმშვენიერით გამაძლარ კაცს არც კი სჭირდებოდეს თავისის მსგავსის სიახლე, აქ ზამთარშიაც კი ია-ვარდი ჰყვავის.

ამ მხარეს რომ შეპხედავ, ასე იფიქრებ, კაცს აქ თავის დღეში სევდა სიზმარშიაც არ უნახავს და კვნესის ხმა შორიდანაც არ მოსმენია.

აქაური სიმღერა ცელი და ცქრიალაა, კლი-
მან კურებით ასავსე, ადვილად მისახვედრი და გა-
საგები, მაგრამ ადვილადვე დასავიწყებელი. სულ
მთლად ერთიანად ამ სანახაობას არც სიღრმე აკ-
ლია და არც აზრი და მწევნიერების ჩამ ღმერთაა.
ასეთი სურათი თუმცა ისეთს ლრმასა და მჭმუნვარე
ბეჭედს ვერ ასვამს კაცის სულსა და გულს, მაგრამ
სამაგიეროთ უეცრათ გხიბლავსთ, თავს გაყვარებთ.
იგი თავისის სიცხველით და სიცოცხლით სასოები-
სა და იმდების აღმძვრელია და ჭირსაც კი სიცილით
უხედება. აქ „უსულონი და უასაკონიც“ კი იცინიან
და მხიარულებენ, ჩიტნი გალობას ამბობენ, ფო-
თოლნი ტაშს უკრავენ და მდინარეც კი, თითქმ
ლეკურს თამაშობსო, მარდათ მისრიალობს სიცილ-
კისკისით, ეშმაკურად უვლის ზურმუხტით შემო-
სილ მიდამოს და თითქმ ყურში უჩურჩულებს ტყე-
სა და ველს, ქვასა და კლდეს: „არ მომკვდარა-
მხოლოდ სძინავს და ისევე გაიღიძებსო“.

ასეთი არის, ბატონი, პოეზია იმ ტრილო.
გიისა, რომლის მაღლით ცხებული ავტორი სიყმა-
წვილიდან „აღმართ აღმართ მიღიოდა, მოხიბლუ-
ლის და წეტედარის სატრფოს სანახავად“ და მისის
გულგრილობით დანაგულმა „ნახევარის სიცოცხლის
გზა გალია, სიტკბოზედა მწარე მეტი დალია, მაგ-
რამ მაინც არ შორდება მწუხარება და ჭირი“, და
ბოლოს თუმცა თავი „უბედურად“ დასახა, რაკი
სატრფო მისი მტრად გარდაექცა, მაგრამ გული
მაინც არ გასტეხია, გაზაფხულზედ მაინც „მერცა-
ლი“ შეუფრინდება ხოლმე, „გაზაფხული, გაზაფ-
ხულიო“ უეძახებს, „გულს იმედი დაესახება და

სასოებაც ფრთას გაშლის“ ხოლმე და გამამხნევებელის ფიქრებით მოცულია; „ახლოს არის მომავალი, მოესწრება რაც უნდოდა ზამთრისაგან დაჩაგრულსა, ნახავს ქორწილს ბუნებისას. გაიგონებს მის მაყრულსა, დაპყნოს გარდა გადაშლილსა, უკვრეტს ნაზად დახრილ იას და ბულბულიც გააგონებს ძველებურად „ტია, ტიას“.

თ. აკაკი წერეთელი ერთი იმ სამ დიდ პოეტთაგანია, რომელიც აცისკროვნებენ ამ საუკუნის ჩვენ ლიტერატურას. პირველი ამ პოეტთაგანი „კუთ ურწმუნო, გულით უნდო, სულით მახვრალი“ დაუსრულებელის თავისანწირულებითა და ლომბიერებით აღსავს სასოწარკვეთილებისა და კაეშნის მგოსანი იყო. მეორე კი მხნე და მამაცი მგოსანი იყო „დღეინდელობით“ აღშფოთებული, მისი მედგარი და სასტიკის მსჯავრის მდებელი; წავითა და კულვით მომხსენებელი იმ ცხოვრებისა, რომელსაც უწოდებდა „უდვის სადგურს, სადაც მართალი გზას ვერ აუქცევს განსაცდელსა მას ეშმაკისასა, სად ცოდვა კაცა სდევნის დღე და ღამ, ვითა მპარავი და მტაცებელი, სად რყვნა, წაწყმედა და ღალა-ტია, სადაც მა ჰერბობს სისხლსა ძმისასა, სად ყოვლი ნიჭი მაცდურებაა, სად თვით სიტურფე და სათნოება ეშმაკის მახე და ცდუნებაა.“ მიუხედავათ ასეთის მკაცრის შეხედულობისა ცხოვრებაზედ, „გან-დევილობის“ მაინც უარმყოფელი იყო და წინასწარმეტყველი ნუგეშისა და იმედის სიმბოლო „შვიდ-ფერიანის სარტყელის კისა“. ეს დილი პოეტი ჩვე-

ნის ერის შეგნებულის უმცირესობის მედროშე იყო: ხოლო მესამე კი ოვით თ. აკაკი წერეთელი მთელის ჩვენის ერის მცირედაც არის გონებაში ჩახედულის ნაწილის სასოფტისა და უიმედობის, ტირილისა და სიცილის „სარკეა“, მთელის უმეტესობის სევდა-ოხვერისა და სიმღერა-გალობის მეჩანგურეა და მესალამურე; ბულბულია დღე-და-ღამ გან უწყვეტლად მყეფარი სატრფო ვარდის „დაზრობის“ გამო; უნუგეშო ტარიელია, „რომელსა ცრემლი სდის შეუზრობელი“, ნესტანის ჭავთაგან ცხრაკლიტულში და-მწყვდევის გამო. იგი „ფუტკარია, ბზუილა მოუსკენარი, ხატის ბუზი, ზეცის მუშა, რომელიც სულსა სწირავს და გულს უძლვნის ღვთის და კაცის ტკბილ სამსახურს და ვინც ხელს უშლის შრომის დროს, მხოლოდ იმისი მებენარი“; იგი ამ ნახევრის საუკუნის განმავლობაში „სანთელი“ იყო, რომელიც „საიღუმლო პარპალით ბნელს ჰფანტავს თავის ნათელით და მყუდროდ, უხმოდ და უძრავად დნება, ვით მსხვერპლი დიადი, რომ მადლით გაასპერაკოს თვალ უწდომელი წყვდიადი“.

მაშ რაკი ასეა, დაე, მთელი მისი ქვეყანა, ე. ი., მთელის გისის ერის გული მადლობით ალსავსე გული, მგოსნის სახატედ იყოს, რომელშიაც ექმნება მას სამარადისო და ხელ უხლები ბინა ერის თანაგრძნობისა და სიცვარულისაგან აღგებული და ერის თაყვანის ცემისა და დიდებისაგან შეხურული.



ପ୍ରଦେଶ ସାହିତ୍ୟ ପାଠ୍ୟକ୍ରମ.

୧୮୯